



LEIKSKÓLINN  
ÁLFABORG

## BRUNA- OG RÝMINGARÁÆTLUN



Höfundur: Snorri Baldursson

12. desember 2008

Yfirfarin og endurbætt af stjórnendum Álfaborgar í október 2020

**Símanúmer:**

Neðarlínan.....112

Öryggismiðstöðin.....530-2400

Aratunga.....480-3000

## Efnisyfirlit

Inngangur .....	1
Leikskólinn Álfaborg .....	2
Fólksfjöldi .....	2
Hreyfigeta fólks .....	2
Fjöldi aðstoðarfólks .....	2
Rýmingarleiðir .....	2
Lokastaður.....	2
Tími til rýmingar.....	2
Viðvörðunarkerfi.....	3
Boð frá brunaviðvörðunarkerfi .....	3
Viðbrögð við boðum .....	3
Falsboð.....	3
Raunveruleg eldboð .....	3
Rýmingaráætlun.....	4
Stjórnun.....	4
Röð á aðgerða .....	4
1.    Hringja:.....	4
2.    Bjarga: .....	4
3.    Slökkva:.....	4
4.    Slökkvilið kemur á staðinn: .....	4
5.    Láta foreldra vita: .....	4
6.    Sálrænn stuðningur:.....	4
Í eldsvoða skipta fyrstu viðbrögð sköpum .....	5
Teikningar af húsi .....	6

## Inngangur

### **Eldvarnir snerta alla – alla daga meira og minna. Heima, í vinnunni og nánast hvar sem er.**

Eldvörnum er oft skipt í tvo flokka þ.e. slökkvistarf og fyrirbyggjandi starf. Slökkvistarfið hefur það að markmiði að bjarga því sem bjargað verður eftir slys. Fyrirbyggjandi starfið hefur aftur á móti þann tilgang að forða slysum eða a.m.k. að draga úr þeim eins og unnt er. Þessum markmiðum er reynt að ná með byggingartæknilegum aðgerðum, fræðslu og æfingum og með viðbragðsáætlunum s.s. rýmingaráætlunum.

Það hefur margoft komið í ljós að afar litlar líkur eru til þess að menn bregðist rétt við þegar menn skyndilega standa frammi fyrir vanda sem skapast getur af eldsvoða, nema menn hafi gert sér grein fyrir hættunni og hugleitt viðbrögð. Best er að gera áætlun. Til þess að allir sem málið snertir geti unnið samstíga verður áætlunin að vera skrifleg og ef menn vilja vera vissir um að áætlunin sé raunhæf, þarf að prófa hana. Einnig er oft nauðsynlegt að æfa áætlanir, eða hluta þeirra, til að þær geti talist öruggar.

Afgerandi þáttur í framkvæmd rýmingar er tíminn. Því þarf að leita leiða til að hún taki sem allra stystan tíma. Eins þarf að reyna að koma því þannig fyrir að hún geti hafist sem allra fyrst, eftir að hættuástand skapast.

Þau atriði sem hafa þarf í huga við gerð rýmingaráætlunar eru m.a.:

- ✓ Fólksfjöldi
- ✓ Hreyfigeta fólks
- ✓ Fjöldi aðstoðarfólks ef þörf er á og um er að ræða
- ✓ Rýmingarleiðir
- ✓ Söfnunarstaður og lokastaður
- ✓ Tími til rýmingar

Nauðsynlegt er að allir þeir hópar sem með málið hafa að gera komi fram með þau sjónarmið sem að þeim snýr til að búa til sem heildstæðasta og öruggasta rýmingaráætlun.

## Leikskólinn Álfaborg

Við skulum líta á þau atriði sem meðal annars þarf að hafa í huga við gerð rýmingaráætlunar fyrir leikskólann Álfaborg, Reykholti.

### Fólksfjöldi

Flest eru börnin 38 samtímis í skólanum og 13 starfsmenn. Ekki verður betur séð en það sé vel mannað og með góðri samvinnu ætti rýming að ganga vel. Viðvera barna er skráð í Karellen og því er hægt að nálgast listann alls staðar þegar það er nettenging. Í Karellen eru einnig símanúmer hjá aðstandendum.

### Hreyfigeta fólks

Telja verður að ung börn þurfi mikla aðstoð við að bjarga sér. Ekki endilega vegna skertrar hreyfigetu, heldur vegna vanhæfni að meta hættuna og hvernig bregðast eigi við hættu. Yngstu börnin eru aðeins um ársögmul og eru ekki öll farin að ganga.

### Fjöldi aðstoðarfólks

Ekki ætti að vera nauðsynlegt að kalla til aðstoðarfólk vegna rýmingar. Það fólk sem er á staðnum ætti í öllum tilfellum að ráða við að rýma húsið.

### Rýmingarleiðir

Rýmingarleiðir eru 2 úr hverri deild og úr matsalnum, beint út og fram á gang. Útgangar af gangi eru merktir með út-ljósum. Það þarf að gæta þess að ekki safnist snjór fyrir hurðirnar á veturna vegna þess að útidyrhurðir opnast út.

Vegna þess að það er engin útidyrhurð í listasmíðjunni þarf þar að fara fram á gang og nota útidyrhurð þar.

Fyrst fara allir á söfnunarstað deildanna á leikskólalóð. Þar telja kennarar börnin aftur. Ef allir eru komnir á söfnunarstað þá sýnir kennari leikskólastjóranum grænt spjald en ef það vantar barn/kennara rautt spjald. Svo er farið á lokasöfnunarstaðinn.

### Lokastaður

Lokastaður hefur verið valinn í Aratungu.

### Tími til rýmingar

Tími til rýmingar er ekki mikill, vegna þess að eldurinn breiðist hratt út ef ekkert er að gert. Húsið er vel byggt og stenst í öllum megin atriðum kröfur. Brunaviðvörðunarkerfi er í húsinu og þar af leiðandi á eldur að uppgötvast strax á byrjunarstigi, sem gefur meira svigrúm til rýmingar.

## Viðvörðunarkerfi

### Boð frá brunaviðvörðunarkerfi

Í skólanum er brunaviðvörðunarkerfi. Ef boð koma frá brunaviðvörðunarkerfinu er mjög mikilvægt að bregðast alltaf við og athuga hvað veldur boðunum. **Leikskólastjóri eða staðgengill hans** fer að stjórnstöflu brunaviðvörðunarkerfis og aðgætir hvaðan brunaboðin koma. Deildarstjórar ganga alltaf strax úr skugga um að það hafi verið gert.

### Athugið!

### Brunaviðvörðunarkerfið er tengt vaktstöð.

### Viðbrögð við boðum

Allir starfsmenn fara í viðbragðsstöðu og nota tímann til að kynna sér á uppdrætti leiðir út og hvar söfnunarstaður er fyrir deildina. Leikskólastjóri eða staðgengill hans fer að stjórnstöflu brunaviðvörðunarkerfis og framkvæmir eftirfarandi:

1. **Á stöð logar ljós sem á stendur „Eldur“.**
  - a. **Í efstu línu á upplýstum skjá sést hvaða skynjari sendi boðin. Ath. hverfur þegar ýtt hefur verið á Enter.**
  - b. **Ýta á Enter, ýta 5 sinnum ör upp og síðan á Enter**
2. **Ýta einu sinni á takka „Stöðva/ræsa hljóðgjafa“.**
3. **Finna á uppdrætti á hvaða svæði viðkomandi skynjari er.**
4. **Fara strax og kanna hvað valdi boðunum.**

### Falsboð

Ef enginn merki finnast um eld á því svæði sem boðin komu frá er mikilvægt að finna skynjarann sem sendi boðin, hann þekkist á því að lítið gaumljós logar á skynjara sem hefur sent boð. Mikilvægt er að skrá öll falsboð í **þjónustubók** sem fylgir kerfinu. Að lokum skal endursetja kerfið með því að þrýsta á hnapp „Endursetja“.

### Raunveruleg eldboð

Ef um eld er að ræða skal þegar í stað vara alla við með því að ýta á takka sem er merktur „**Rýma húsið (eða Stöðva/ræsa hljóðgjafa)**“ eða **brjóta næsta handboða**. Þá fara bjöllur aftur í gang og eiga þá allir að vita að hætta er á ferðum og skal þegar í stað setja í gang rýmingaráætlun. Hikið aldrei við að rýma húsið ef minnsti grunur er um að þess þurfi. Betra er að taka ákvörðun um rýmingu fyrr en seinna.

Jafnvel þó takist að slökkva eldinn strax getur verið nauðsynlegt að leita aðstoðar slökkviliðs, til að reykræsta húsið og meta hvort hætta er á frekari eldi.

## Rýmingaráætlun

### Stjórnun

Mikilvægt er að alltaf sé á hreinu hver á að stjórna. **Skal það vera leikskólaskólastjóri eða staðgengill hans.** Mikilvægt er að stjórna þannig að ekki fari á milli mála hver stjórnar.

### Röð á aðgerðum

- Hringja: Kalla til aðstoð.** Ef allt er með felldu er hringt frá vaktstöð til að kanna hvað valdi eldboðum. Svarið símanum ef mögulegt er, það flýtir fyrir. **Ef ekki er hringt, skal strax gera ráðstafanir til að kalla á aðstoð.**
  - Samræmt neyðarnúmer er **112**
  - Talið skýrt og rólega, útskýrið vandamálið.
  - Takið fram ef einhver hefur slasast.
  - Tilgreinið hvaða hús er um að ræða.
- Bjarga:** Yfirmaður tekur ákvörðun um rýmingu og deilir verkefnum á starfsmenn. Mikilvægt er að kennarar sjái um þá deild sem viðkomandi er að kenna á hverju sinni. Þegar brunakerfið fer af stað skulu deildarstjórar (eða staðgenglar þeirra) telja börnin. Kennari velur leið út um næstu útidyr sem eru á reyklusu svæði og tekur með sér Ipad + sundpokann með litaspjöldum. Kennari hefur nafnakall þegar komið er á söfnunarsað á leikskólalóð. Þegar stofan er yfirgefin skal **loka hurðum**. Mikilvægt er að allir fari síðan á söfnunarsað á leikskólalóð og bíði þar uns stjórnandi gefur leyfi til að yfirgefa staðinn. Ef í ljós kemur við nafnakall að einhvern vantar er mikilvægt að þær upplýsingar berist strax til Neyðarlínu og slökkviliðs.
- Slökkva:** Þegar stjórnandi sér að 1. og 2. liður á planinu er að klárast og ef einhver er tiltækur skal hefja slökkvistarf. **Rjúfið straum af húsinu ef hægt er að komast að rafmagnstöflunni. Rafmagstaflan er í tæknirými leikskólans.** Slökkvitæki og brunaslöngur eru víðsvegar um húsið, hver og einn á að kynna sér hvar slökkvibúnaður er staðsettur. **ATH. Það er ekki skylda að reyna að slökkva.**
- Slökkvilið kemur á staðinn:** Yfirmaður gefur stjórnanda slökkviliðs upplýsingar um hvort einhverjir og þá hversu margir hafi orðið eftir inni og hugsanlega staðsetningu þeirra.
- Láta foreldra vita:** Hafa samband við foreldra/forráðamenn barna þegar í Aratungu er komið til að tryggja að upplýsingar um atburðinn berist eftir réttum leiðum.
- Sálrænn stuðningur:** Leikskólaskólastjóri metur hvort leita þarf eftir aðstoð utanaðkomandi til að veita börnum, starfsfólki og/eða foreldrum sálrænan stuðning eða áfallahjálp.

Sá sem síðast fer út úr hverri deild skal loka öllum dyrum á eftir sér til að draga úr reykflæði um bygginguna og hindra útbreiðslu elds og reyks eins og hægt er.

## Í eldsvoða skipta fyrstu viðbrögð sköpum

# Rýmingaráætlun fyrir leikskólann Álfaborg Reykholt

Ef boð

Eldur

Kannið alltaf hvað veldur  
boðunum.Ekki  
eldur

Brjótið næsta handboða  
eða  
Ýtið á takka „Rýma  
húsið“

Ýtið á takka  
„Endursetja  
”

**Þegar bjöllur fara aftur í gang****HÆTTA!****ALLIR ÚT!**

Kerfið er tengt vaktstöð. Eftir smá stund er hringt frá vaktstöðinni til að kanna hvað valdi boðunum. Svarið símanum ef mögulegt er og segið frá ástandinu.

1	Ef ekki er hringt frá vaktstöð. <b>Hringja:</b> Samræmt neyðarnúmer er 112 Talið skýrt og rólega, útskýrið vandamálið Tilgreinið húsnúmer, götu og sveitarfélag
2	<b>Bjarga:</b> Bjargið sjálfum ykkur og nemendum. Kennari sér um sinn hóp og hefur nafnakall úti á söfnunarstað. Taka íþad með sér. Verið viss um að allir komist út, börn geta falið sig víða.
3	<b>Slökkva:</b> Þegar rýmingu er lokið skal huga að slökkvistarfi

## Teikningar af húsi

